

## ●楊忠烈公之風節

楊公名漣。字文孺。號大洪。其四五世祖爲我國人。貫嘉林縣樂道社。於陳之中葉。隨元兵北往。世居湖北應山縣城。其後生公於明神宗萬曆年間中狀元。累官太副都御史。於明熙宗天啓四年夏六月疏劾魏忠賢二十四大罪。坐死。至莊烈帝崇禎元年追贈兵部尚書謚忠烈王。其舊宅猶存。子孫世居之舊時。我南國使節每經過應山。其族人常邀入款待。蓋有懷舊思本之意。黎時兵部右侍郎阮公汎北使過此。楊公子孫復邀入。歷叙世家。并以劾忠賢疏呈覽。且言亦有別姓。同時自安南來所居離城三十里。衣食頗足。子孫衆多。猶往來爲通家。阮公有題忠烈廟一首云。『季世屯睽見偉人。柏臺風節宛如新。計存累卵撫忠惄。罪指權當冒逆鱗。暗主休論崇宦監。皇天何事毒忠臣。彈文讀罷重悲慨。詠就華章淚滿巾。』嗣德初。海晏裴玉匱公北使過應山縣。亦有句云。應山楊氏我邦來。忠烈子孫多不賤。其風節令人欽仰如此。公之劾忠賢疏其略曰。『太監魏忠賢者。本市井無賴。中年淨身寅人內地。初猶謬爲小忠小信。以倖恩繼乃敢爲大奸大惡。以亂政。今列其罪狀爲陛下言之。祖制擬旨專責閣臣。自忠賢擅權。多出傳奉。或徑自內批壞祖宗二百餘年之政體。大罪一。劉一景周嘉謨。顧命大臣也。忠賢令其黨論去。急于剪已之忌。不容陛下不改父之臣。大罪二。先帝天資實有隱憾。係慎行鄙。元標以公義發憤。忠賢悉排去之。顧於黨護選侍之沈灌。曲意綑繆。終加蟠玉。親亂城而驕忠義。大罪三。壬紀爲司寇執政。如山鐘羽正爲司空。清修如鶴。忠賢構黨斥逐。不容更爲他辭。以銅其出。豈真欲門生宰相乎。大罪五。爵人于朝。莫重廷推。去歲南太宰北少宰俱用陪推。一時名賢不安其位。顛倒銓政。掉弄機權。大罪六。聖政初新。正資忠直。乃滿朝薦文震孟熊德陽。

江兼謙侯震暘等抗論稍忤立行貶黜屢經恩典竟阻賜環長安謂天子之怒易解。忠賢之怒難調大罪七然猶曰外廷臣子也去歲南郊日傳聞宮中有一貴人以德性貞靜荷寵忠賢恐其露已驕橫托言急病置之死地是陛下不能保其貴幸矣大罪八猶曰無名封也裕妃以有娠傳封中外方慶幸。忠賢惡其不附己矯旨勒令自盡是陛下不能保其妃嬪矣大罪九猶曰在嬪妃也中宮有慶已經成男忽焉告殂虹流電繞之祥變爲飛星墜月之慘傳聞忠賢與奉聖夫人實有謀焉是陛下不能保其子矣大罪十先帝青宮四十年護持孤危者惟王安耳卽陛下倉卒受命擁衛防維安亦不可謂無勞忠賢以私憤矯旨殺之是不但仇王安而實敢仇先帝之老奴略無顧忌大罪十一塋地擅用朝官規制僭擬陵寢近于河間毀人居室建立碑坊鏤鳳雕龍干雲插漢大罪十二今日廢中書明日廢錦衣金吾之堂口皆乳臭誥勅之館目不識丁如魏良弼魏良卿及傅應星等濫襲恩廕襲越朝常大罪十三用立枷之法戚畹家人駢首畢命意欲誣陷國戚動搖中宮若非閣臣力持言官糾正椒房之戚又興大獄矣大罪十四良卿牛員章士魁坐爭煤窑託言開礦而致之死趙高鹿可爲馬忠賢煤可爲礦大罪十五王思敬等牧地細事責在有司忠賢乃幽置檻穿恣意搒掠視士命如草菅大罪十六科臣周士樸執糾織監忠賢更停其陞遷使吏部不得專銓除言官不敢司封駁大罪十七北鎮撫劉僑不肯殺人媚人忠賢以不善鍛鍊遂致削籍是大明之律令可不守而忠賢之律令不可不遵大罪十八魏太忠爲吏科遵旨蒞任忽傳旨詰責及太忠回奏臺省交章又諉王言煌煌綸綺朝夕紛更大罪十九東廠之設原以緝奸自忠賢任事日以快私讐行傾陷爲事投匱告密日夜未已勢必與同文館獄而後已大罪二十邊警未息內外戒嚴東廠訪緝何事前奸細韓宗功潛入長安偵探虛實寔主忠賢司房之邸事露始去假令天不悔禍宗功事成未知九廟

生靈安頓何地。大罪二十一。祖制不蓄內兵。原有深意。忠賢與奸相沈灝創立內操。藪匿奸宄。安知無大盜刺客爲敵國窺伺者。潛入其中。一旦變生肘腋。可爲深慮。大罪二十二。忠賢進香涿州。警蹕傳呼。清塵墊道。人以爲大駕出幸。及其歸也。改駕駟馬。羽幢青蓋。夾護環遮。則儼然乘輿矣。大罪二十三。夫寵極則驕。恩多成怨。聞今春忠賢走馬御前。陛下射殺其馬。貸以不死。忠賢不自伏罪。進有傲色。退有怨言。朝夕提防。介介不釋。從來亂臣賊子。只爭一念放肆。遂致不可收拾。奈何養虎兕于肘腋間乎。此又寸鬢忠賢不足蔽其辜者。大罪二十四。凡此逆跡昭然在人耳目。乃內廷畏禍不敢言。外廷結舌而莫敢奏。間或奸狀敗露。又有奉聖夫人爲彌縫。更相表裏。迭爲呼應。伏望陛下大奮雷霆。集文武勳戚。勅刑部嚴訊。以正國法。并出奉聖夫人于外。用省隱憂。臣死且不朽。一疏上。忠賢懼甚。求解于韓鑛。鑛不應。遂趨帝前泣訴。且辭東廠。而客氏從旁保持。王體乾贊之。帝憮然不辨也。遂溫諭留忠賢。次日下此疏。嚴旨切責。先是公疏就欲早朝面奏。值次日免朝。恐再宿機洩。遂于會極門上之。忠賢乃得爲計。公愈憤憤。擬對仗復劾之。忠賢知遇帝不御朝者三日。及帝出。羣閣數百人。衷甲夾陛。立勅左班官不得奏事。公乃止。時中書舍人吳襄賢讀公疏。擊節稱嘆。註其旁曰。宜如韓魏公治仁守忠故事。卽時遣戍。其奴告之。忠賢卽逮捕襄賢下獄。拷掠死。籍其家。噫。楊公一疏。足褫奸閹之魄。當其懼而求解于閣臣也。忠賢尙不無心存顧慮。韓鑛此時使能脅以正言。諭以利害。俾早知避禍求全。縱不能使奸閹遽伏刑誅。或因而得離闕庭。亦不難。徐圖處置。鑛竟束手無能付之不應。致忠賢轉計自謀。泣訴慰留。直臣遂遭慘禍。陰陽消長之機。爭于寸隙。而鑛庸碌寡斷。貽害無窮。雖然。忠賢後亦被放道死。詔磔其屍。而楊公忠烈之名。留芳萬古。展謁公之遺廟者。未嘗不咨嗟詠嘆。喜我國人後裔之預有榮光也。

# ● 大南高僧傳（續三）

★廣智禪師

空路山灌頂寺廣智禪師。京師人。姓顏氏。彰奉皇后之兄也。道操冰潔。不事鮮靡。彰聖嘉慶初辭俗往參仙遊禪老。言下契旨。由是月鍊日孜。篤志禪學。不周年間。風譽遠播。後於此山卓錫。常掛衲衣。餌松實。與山僧明惠爲方外契。爲工部尚書段公文歛所宗。嘗贈詩云。掛錫危峯。擺六塵。默居幻夢。問浮雲。殷勤無計。參澄什。索絆簪纓。在鷺羣。廣祐某年月日。師歸寂。公哭之慟。挽以詩云。林巒白首遁京城。拂袖高山遠。更馨幾願淨巾趨。丈席忽聞遺履掩。禪局齋庭幽。鳥空啼月墓塔誰人爲作銘。道侶不須傷永別。院前山水是真形。時李太宗皇帝常於天福禪老參問禪旨。針錐纔下。腦蓋通風。萬機之餘。禪悅爲樂。因與諸方耆宿講究異同。帝先謂曰。朕惟佛祖心源自古聖賢未免詆訾。况後學哉。今欲與諸大德略陳己意。各述一偈。以觀其用心如何耳。皆再拜受命。衆方屬思。而帝已成偈云。般若真無宗。人空我亦空。過去未來佛法性。本來同。衆皆服其敏給云。

## ● 通辨禪師

慈廉普寧寺通辨禪師。丹鳳人也。姓吳氏。釋流子也。性通慧。尤明三學。初參吉祥圓師。每照得其旨。乃於昇龍京國寺掛塔。自號智空。會豐五年春二月十五日。符聖感靈。仁皇太后嘗於其寺齋僧與諸耆宿。究問佛祖之義。有何優劣。佛在何方。祖居何城。何時而來此國土。傳授此道。孰先孰後。而念佛名。達祖心者。未知何者是旨。衆皆無語。師對曰。夫常住世間。不生不滅。謂之佛。明佛心宗行解相應。謂之祖。佛祖一也。蓋濫學者流。妄自稱優劣耳。且佛者覺也。此覺本來湛然常住。一切有生皆同。

此理。但爲情塵所蔽。隨業漂流。轉成諸趣。佛以慈悲心。故示生竺土。蓋謂天地之正中也。十九出家。三十成道。住世說法。四十九年。開種種法權。令其悟道。所謂一時代興教也。將入涅槃。恐著迷滯語文殊曰。吾四十九年未曾說一字。將謂有所說耶。因拈起花枝。衆皆罔錯。獨迦葉尊者破顏微笑。佛知其有契。遂以正法眼藏付之。是爲一祖。此所謂教外別傳之心宗也。厥後摩騰以是法入劉漢。達摩以是旨遊梁魏。傳其教者。至天台爲盛。謂之教宗。得其旨。至曹溪爲明。謂之禪宗。二宗至于我越有年矣。教則以牟尼多流支爲前派。無言通爲後派。是謂二派之祖也。后曰教宗。且置禪之二派。有何效驗。師曰。按曇遷法師傳。隨高祖謂之法也。后云。朕念調御慈悲之教。報德無由。位忝人王。弘護三寶。已遍收遺體。舍利仍於國內立豎寶塔。凡四十九所。表世津梁。餘一百五十寺塔。外各交州諸處建立。冀資福潤。以及大千。然彼雖內屬猶繫羈縻。宜選名德沙門。往彼諸處化。庶令一切俱得菩提。法師曰。交州一方。道通天竺。佛法初來。江東未被。而羸陵又重創興寶刹二十餘所。度僧五百餘人。譯經十五卷。於衆善寺授徒演化。又唐相國權德輿傳法序云。曹溪沒後。禪法盛行。各有宗緒。彰敬禪師以馬祖心要化行於吳越。無言通大士傳百丈宗旨。開悟于交州。此其效驗也。后又問二宗傳授之次。師曰。流支派者。卽今林思生王真。是也。無言派者。卽今梅圓。照顏廣智。雷荷澤是也。其餘旁出。浩不悉舉。后大喜。乃拜師爲僧籙。賜紫衣袈裟。號通辨大師。兼加厚賞。以寵榮焉。尋召入內。拜爲國師。訪問禪要。深得其旨。后常有悟道偈云。色是空。空卽色。空是色。色卽空。色空俱不管。方得契真。宗晚年遷住于寺。開大法筵。其教人修己。常以法華經爲用。故時人謂之悟法花。龍影寶嗣。二年甲寅二月十二日告疾。

●滿覺大師

究連教源寺滿覺大師。安格鄉藝人也。姓阮。諱長。父懷素。仕至中書員外郎。李仁宗在潛邸時。詔名家子弟入侍左右。師以博聞強記。學通儒釋。得預其選。退常以禪那爲念。及帝卽位。因其素尚。賜名懷信。英武昭勝。中表請出家。旣得灌頂廣智之印。乃瓶錫雲遊。遍求道契。所至學者雲集。閱大藏經。得無師智。爲一時法門領袖。帝與感靈仁太后方留心禪學。乃於景興宮側創起其寺。延請居之。以便顧問。與語不名。常曰。長老。一日謂曰。至人示現。必務濟生。無行不具。無事不修。非惟定惠之力。亦有贊襄之功。宜敬任之。乃授教源禪院懷信大師。傳祖無修。無證心印。奉詔入內道場。賜紫大沙門同三司公事。時蠲戶五十人。會豐五年十一月晦。告疾示衆偈云。春去百花落。春到百花開。事逐眼前過。老定頭上來。莫謂春殘花落盡。庭前昨夜一枝梅。是夕結跏而逝。壽四十有五。僧臘十九。帝贈以厚禮。公卿各賚香信。茶昆收舍利塔于安格崇岩寺。勅諡滿覺。

△悟印禪師

應天寧山隆恩寺。悟印禪師。金牌鄉思理人也。姓譚。諱乘。母瞿氏。初未嫁時。家在墓林之側。見弋宿鳥者。盡然謂曰。寧受死爲善。不受生爲惡。一日方織錦。有大獮猴自林中出來。抱其背。竟日乃去。瞿氏覺有娠。及生。而惡之。棄于林間。年至十。聰習儒業。學問進尤明。唐梵字十九歲出家。具足戒定。於圓覺法華二經。悉研究。旣得灌頂廣智心印。徑入此山。結茆栖焉。自號悟印。嘗有僧問如何是大道。師云。大路。僧云。學人問大道。對以大路。未審何曰達大道。師云。猫兒未解捉鼠。僧云。貓兒有佛性否。師云。無。僧問。一切含靈皆有佛性和尙如何。獨無師。云。我不是含靈。僧云。旣非含靈。即是佛。

否。師云。我不是佛。不是含靈。有人問如何是佛。如何是法。如何是禪。師云。無善法王。有身爲佛。有口爲法。在心爲禪。雖是三般。其歸則一。喻如三江之水。隨處立名。名雖不同。水性無異。廣祐四年六月十四日將示寂。說偈云。妙性虛無不可攀。虛無心悟得何難。玉焚山上色常潤。蓮發爐中濕未乾。偈畢。怡然而逝。壽六十九。門人心喪三年。

(未完)

◎文苑

▲古詩摘錄

七旬自壽

阮公著

(計)公字希文。父安人時以京尹致事

日對兒曹自解頤。今吾不似故吾時。  
供人笑逐驥。光陰屆古希。老實不堪裝。面目英華。  
何必染鬚髭。自慚謝劣毫。無狀笑殺鴻山又。  
是非

是

▲奉和

高伯适

羣山南望獨支頤。遙想先生未老時。  
遇常異卽今齒德見真希。飽嘗世味終須酒。斷禁霜花不上鬚。聞道鴻峯欲回首。豈應六十九年非。

◎奉和

黃儒雅

人生百歲曰期頤。七十猶爲少壯時。  
事業驚人天下有風流。到老世間希。鴻山藍水大眉目。  
塞西關此髮髭松徑未應陶作賦。今而是也。昨何非。

★奉和

阮常甫

不得驚人不解頤。昂軒記取少年時。  
梯階科目文章在。樽俎干城韻事希。夷險八千南北路升沉。  
七十雪霜髭。今來再飲香江酒。一醉悠然泯是非。

◎奉和

黎凝甫

生平器業卜期頤。卜在雲中轉戰時。  
假使當年年非。

身便死。那能今日世稱希。關頭夷險餘心血。局裏贏輸一領鬚。若問有丹忠信在。莫論今是昨還非。

○奉和

阮國錦

人生七十近期頤。矍鑠哉翁似壯時。儒將勳名朝。郡重壽官風格古。來希隨時伸屈。唯安命到處紛拏苦摘髭。舊徑菊松仍未改。莫言今昨是耶非。

▲奉和

裴某

席間談笑解人頤。岩佚渾如未老時。湖海壯懷知者鮮。陽春高唱和應希。炎涼世態三杯酒。掀揭奇功一頌。大奈山頭如有約。歸來莫詫客言非。

○奉和

武范啓

七十流光一點頤。升雲沉雨亦多時。豪情自信年。仍少逸調還應和。者希死士散餘塵。積劍歌

百歲光陰一點頤。英雄心事記當時。唾壺擊碎聲。仍壯鐵板敲殘韻。尚希遙望青天張白眼。閒看舊劍捋新髭。寄言有酒酒多飲。千古紛紛是也非。

○奉和

阮抑甫

十年爲客海之東。適粵踰燕路。幾重歸鶴有心。還有恨飛鴻無著本。無蹤到頭事勢真。難料笑口。人生豈易逢慚愧。因風一相訪。一枝老櫟。一孤松。

○有所贈

阮其楠

歐雲彌漫海天東。地獄陰陰幾萬重。杞國有天多遠慮。秦庭無地躡遺蹤。旅中異域悲千古。夢

▲奉和原韻二律

楚狂

七十流光一點頤。升雲沉雨亦多時。豪情自信年。仍少逸調還應和。者希死士散餘塵。積劍歌

裏荊州喜一逢林下低徊昂首望巍巍百尺仰長松  
 旭日翹瞻馬首東青山疊疊水重重他鄉痛哭  
 留餘淚故國傷心倦客蹤碧海莫墳無限恨圮  
 橋未必偶然逢祇今擾擾將安往願棄人間學赤松

★蒙賞院銜恭紀 陳文近

白髮承恩倍凜然行年正望古希年蓬萊有詔  
 揚麻命樗櫟無能愧野賢隱逸虛馳烏巷譽賓  
 興曾拜鹿鳴筵海山欲效涓埃報徒自觀摩老  
 一編

△奉和陳先生元韻 楚狂

浮榮來迫亦恬然高隱何心况暮年與國同休  
 忘老到遼時養晦慕公賢階前夙繙芝蘭譜林  
 下欣陪翰墨筵他日襄陽耆舊傳鴻儒逸士彙  
 成編

## ●七十自壽四首

阮鼎珏

人生七十古來少衰病余今幸得之朝代回頭  
 曾九歷鄉年彈指尙三遺風波傾洞鷗何預面  
 目桑滄鏡未疲一枕太平遽然覺形知不作老  
 希夷

養生主學孔終慚後死身豪異信陵翻好客居  
 如南阮不言貧尙嫌未到超然處匠扁區區老  
 斫輪

平生裘馬慣嬉遊豈料今成久繫舟思訪桃源  
 塵徑斷擬招叢桂小山幽瀰漫隱霧連天黑浩  
 汗橫波載地浮欲覓少文臥遊處還晴無計換  
 雙眸

萬事何曾有一成昌黎空賤短燈檠干卿兒女  
 緣何事累我詩書管一生做到飛仙時未晚填  
 來碧海恨難平諸公殘錦無從乞聊把微詞當  
 壽觥

●奉和阮先生自壽元韻 一首 楚狂

牢騷書劍慨無成。曾共昌黎話夜檠。絕代典型瞻北斗。傷時詞賦動蒼生。達尊齒德如今少。塵世風波到老平。林下無由陪壽席。南山遙對效稱觥。

●屈原 阮其楠

蘭芷何能媚艾蕭。湘南風急路迢迢。可堪故宇岐江夏。空把芳情勵景昭。屈指庚寅年歲暮。傷心端午夢魂遙。堵敖誤國還身誤。羞見秦兵入楚朝。

▲伍子胥

爲子能無復父仇。爲臣安忍使君憂。侈奢自是前王誤。疾郢那堪故國愁。心苦不知成憤激。才高終竟或乖尤。潯羹瀨飯猶思報。數世深恩蓋未酬。

●張子房

區區心緒欲王韓。斃鹿烹猴事太艱。火鼎不緣

高帝運素書。那出下邳間。相知豪傑難爲報。一去神仙竟未閒。莫訝赤松歸訪後。殷勤重到紫芝山。

●岳武穆

兩宮猶阻北庭車。底事君王不渡河。賊檜尙存寧。有國讎金未滅。可無家臣心。正似寒潭月世局。其如落日霞。贏得軍中還語在。宗爺爺後岳爺爺。

●長派侯

執政誰人亂。者誰。江山回首舊成非。徒聞秦士歌。偕作空自淇。泉賦式微無國臣。寧頭可斷致身天。天使髮同歸。從亡半屬他鄉鬼。雙鬢凋零悔已遲。

●阮涓

十年馬首事茫茫。倉卒圓明鬧一場。不是上邦欺寡弱。未應下吏逼侯王。主憂臣辱生何益。地北天南意自長。盤石相逢黎後帝。仇吳遺恨暝難忘。

▲村居 四首

無名氏

▲題還劍玉山寺

面山背水擁精廬。鷗鷺堪親樂。起居十丈紅塵飛。不到捲簾好讀老莊書。

三分植柳七分桑。起臥南窗趣味長。應是清高陶靖節。東籬醉賞菊花香。

閒來散策看歸雲。落日溪邊絕俗紛。最愛輞川圖。一幅天然佳景自清芬。

雨晴烟火兩三家。提岸砂明映晚霞。隣叟過從忘寂寞。超然心境樂無涯。

●憂天氏詩草

題隊山寺

欲洒當風萬斛愁。登高憑眺思悠悠。摩天一隊羣低伏。捲地方旗四顧。收塔骨何知。牢一睡苔碑無淚泣。千秋不勝三世留。題感嘆息青山未白頭。

栖旭橋頭石塔邊。臨風不禁此留連。斜陽筆硯題千古平地湖山廠。一天寶劍有光藏。碧水望亭無色染。寒煙累朝曆數歸。天劫一勺生存不記年。

★題敬主寺

相傳前是李南帝住兵處。後爲范公師孟書室。嗣德年間爲阮公醉亭。

小徑層層石蘚蒼。螺瓈洞口入斜陽。殘碑未改書齋冷。寶篆空存帝業茫。老梗如山忘甲子。窮癡惟我問。桑滄共誰痛飲荒亭下。顛倒乾坤一俠觴。

遊安阜山不果

山上有寺。乃安生王出家處。

荆門高處望安山。蜿迤長龍百節幡。客眼平穿青嶂外。塵心飛向白雲間。欲逃骨肉歸禪易。猶具形骸出世難。有約十年終不果。清清如我未須閒。

世界新聞

## ● 世界新聞

六二

近日中國時髦婦女多喜歐化。如剪髮跳舞等。殆莫不然。服裝則長襪露腳草帽革鞋亦居然一個黑髮黑瞳之西式婦女而最近美國婦人界却興高彩烈學著華裝有依琳潘賽女士者是紐約城中交際場上之明星也是個著名跳舞者女士提唱華裝要算是最熱烈者女士常穿華裝赴人家宴會無有不贊稱其美麗者女士又常常對人宣傳華裝的優點謂華裝確有美術上價值試看華人的身腰雖寬袖雖長而穿在身上却絲毫不損美觀曾經許多美術家和交際家所認可者女伶愛麗斯特雷也喜著華裝有一次紐約許多交際名家特別組織一個華裝奪標會同時請了許多來賓評判員一時會中都爭奇鬪勝打扮結果奪得錦標者爲亞判福仲瑪女士女士芳齡才十七八伊窄的華裝却非常削合再加上伊本來美麗自然使許多人投票選他也。

日本千葉縣利根川與霞浦爲小蝦之名產地常運賣於東京方面近傳聞該地方所產小蝦有發光菌東京慈善會醫科大學細菌學教室醫學垣田一男同組織學教室醫學士井上產次兩人赴千葉縣佐原時搜集利根生存小蝦是夜在佐原小學校試驗研究發見多數發光菌爲更欲詳細研究全部携歸東京謂此發光菌與虎疫菌同於人體有害據垣田一男氏云若爲他發光菌殊不足珍如此發光菌有毒而生於淡水產者在世界未見發表在日本只諭訪湖與佐原而已其形與活動與虎疫菌殆無區別在諭訪湖者其毒性之作用只及於鼠與淡水魚鳥類等而不及於人此次所研究佐原之菌其於人也若有相當分量能起下痢病狀與虎疫相似四五年前佐原流行虎疫或此蝦之發光菌階爲之厲亦未可知虎疫檢便之時在攝氏二十二度至二十八度之溫溫暗室內檢查不見有虎疫菌或此發光菌在殊未可測也云云